



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱՐԱՏԻ ՄԱՐԶԻ ՄԱՍԻՍ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արարատի մարզի Մասիս համայնք  
Հասցե՝ ք. Մասիս, Կենտրոնական հրապարակ թիվ 4  
Հեռ՝ (0236) 43040, 40440, Էլ. փոստ՝ [masis.ararat@mta.gov.am](mailto:masis.ararat@mta.gov.am)

ՈՐՈՇՈՒՄ  
03 հունիսի 2024 թվականի N 4211-Ա

### «ՄԱՍԻՍ ՏԵՂԵԿԱՏՎԱԿԱՆ ՏԵԽՆՈԼՈԳԻԱՆԵՐԻ ԶԱՐԳԱՑՄԱՆ» ՀԻՄՆԱԴՐԱՄ ՀԻՄՆԱԴՐԵԼՈՒ, ԼԻԱԶՈՐՎԱԾ ԱՆՁ ՍԱՀՄԱՆԵԼՈՒ, ՀԻՄՆԱԴՐԱՄԻ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ, ՏՆՈՐԵՆԻ ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ ՆՇԱՆԱԿԵԼՈՒ ՄԱՍԻՆ

Ղեկավարվելով «Հիմնադրամների մասին» Հայաստանի Հանրապետության օրենքի 10-րդ հոդվածի 4-րդ մասով, 13-րդ հոդվածի 3-րդ մասով, **որոշում եմ.**

1.Հիմնադրել «Մասիս տեղեկատվական տեխնոլոգիաների զարգացման» հիմնադրամ:

2.Սահմանել, որ «Մասիս տեղեկատվական տեխնոլոգիաների զարգացման» հիմնադրամի հիմնադիրը Մասիս համայնք է, որի անունից հանդես եկող լիազորված անձը Մասիս համայնքի ղեկավարն է:

3.Հաստատել «Մասիս տեղեկատվական տեխնոլոգիաների զարգացման» հիմնադրամի կանոնադրությունը՝ համաձայն հավելվածի:

4.«Մասիս տեղեկատվական տեխնոլոգիաների զարգացման» հիմնադրամի տնօրենի ժամանակավոր պաշտոնակատար նշանակել Ալիկ Օհանյանին (նույն.քարտ՝ 005762109, տրված 20.03.2017թ. 001-ի կողմից, հասցե՝ << ք.Մասիս, 3թաղ. 42. 32բն., Էլ.հասցե՝ [alik.oganyan@gmail.com](mailto:alik.oganyan@gmail.com), հեռ. +37494677773)

5. «Մասիս տեղեկատվական տեխնոլոգիաների զարգացման» հիմնադրամի տնօրենի ժամանակավոր պաշտոնակատարին՝ սույն որոշումն ուժի մեջ մտնելուց հետո

Եռամսյա ժամկետում Հայաստանի Հանրապետության օրենսդրությամբ սահմանված կարգով ապահովել հիմնադրամի պետական գրանցումը:

6.Սույն որոշումը ներկայացնել համայնքի ավագանու հաստատմանը:

## ՀԱՄԱՅՆՔԻ ՂԵԿԱԿԱՐ

## Դ. ՀԱՄԲԱՐՁՈՒՅՑԱՆ

03 ՀՈՒՆԻՍԻ 2024 թ.  
Ք.ՄԱՍԻԿԻ



## 1. ԸՆԴՀԱՆՈՒՐ ԴՐՈՒՅԹՆԵՐ

1. «Մասիս տեղեկատվական տեխնոլոգիաների զարգացման» հիմնադրամը (այսուհետ՝ հիմնադրամ) հիմնադրի կամավոր գույքային վճարների հիման վրա ստեղծված և անդամություն չունեցող ոչ առևտրային կազմակերպություն է, որը գործում է Հայաստանի Հանրապետության Սահմանադրության, միջազգային պայմանագրերի, Հայաստանի Հանրապետության քաղաքացիական օրենսգրքի, «Հիմնադրամների մասին» Հայաստանի Հանրապետության օրենքի (այսուհետ՝ Օրենք), «Տեղական ինքնակառավարման մասին» Հայաստանի Հանրապետության և այլ իրավական ակտերի համաձայն:

2. Հիմնադրամի անվանումն է՝

1) հայերեն՝ «Մասիս տեղեկատվական տեխնոլոգիաների զարգացման» հիմնադրամ.

2) ռուսերեն՝ Փոնդ «Развитие информационных технологий Масис».

3) անգլերեն՝ Fund «Masis development of information technologies».

3. Հիմնադրամն իր գործունեությունն իրականացնում է Հայաստանի Հանրապետությունում:

Հիմնադրամի գումարը վայրն է ՀՀ, Արարատի մարզ, Մասիս համայնք, Մասիս քաղաք, Կենտրոնական Հրապարակ 4:

4. Հիմնադրամի հիմնադիրը Արարատի մարզի Մասիս համայնքն է (այսուհետ՝ հիմնադիր), որի անունից հանդես եկող լիազորված անձը Մասիս համայնքի ղեկավարն է:

5. Հիմնադրամի շահառուները տեղեկատվական տեխնոլոգիաների, կրթության, գիտության, մշակույթի, սպորտի և նորարարության բնագավառներում գործունեություն իրականացնող ֆիզիկական և իրավաբանական անձինք են:

6. Հիմնադրամը կարող է Հայաստանի Հանրապետության օրենսդրությամբ սահմանված կարգով ստեղծել մասնաճյուղեր և ներկայացնելու համար կամ անունից՝ հիմնադրամի կանոնադրությանը համապատասխան:

7. Հիմնադիրը պատասխանատվություն չի կրում հիմնադրամի պարտավորությունների համար:

8. Հիմնադրամն իրավաբանական անձ է և ստեղծված է համարվում Հայաստանի Հանրապետության օրենքով սահմանված կարգով պետական գրանցման պահից: Հիմնադրամը կարող է ունենալ իր անվանումը պարունակող դրոշմներ և ձևաթղթեր, ինչպես նաև անհատականացնող այլ միջոցներ: Հիմնադրամն իրավունք ունի Հայաստանի Հանրապետության օրենքով սահմանված կարգով բացելու բանկային հաշիվներ Հայաստանի Հանրապետության և օտարերկրյա պետությունների բանկերում՝ Հայաստանի Հանրապետության դրամով կամ արտարժույթով:

9. Հիմնադրամն ինքնուրույն է որոշում իր գործունեության ռազմավարական ծրագրերը:

10. Հիմնադրամը որպես սեփականություն ունի առանձնացված գույք և իր պարտավորությունների համար պատասխանատու է այդ գույքով, կարող է իր անունից կնքել պայմանագրեր, ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

11. Հիմնադրամի իրավունքները կարող են սահմանափակվել միայն Հայաստանի Հանրապետության օրենքով նախատեսված դեպքում և կարգով:

12. Հիմնադրամն ունի Հայաստանի Հանրապետության օրենքով չարգելված բոլոր եղանակներով իր քաղաքացիական իրավունքների ինքնապաշտպանության իրավունք:

13. Հիմնադրամը շահույթ ստանալու նպատակ չի հետապնդում: Տարբեր աղբյուրներից, ինչպես նաև իր տնտեսական գործունեությունից ստացված միջոցներն օգտագործում է միայն սույն կանոնադրությամբ սահմանված նպատակներով:

14. Հիմնադրամը Հայաստանի Հանրապետության օրենքով սահմանված կարգով վարում և ներկայացնում է հաշվապահական ու վիճակագրական հաշվետվություն:

## **ՀԻՄՆԱԴՐԱՄԻ ԿԱՆՈՆԱԴՐՈՒԹՅԱՆ ՄԵԶ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼԸ**

15. Հիմնադրամի կանոնադրության մեջ փոփոխություններ և լրացումներ կարող է կատարել հիմնադրամի հիմնադիրը:

## **3. ՀԻՄՆԱԴՐԱՄԻ ԳՈՐԾՈՒՆԵՈՒԹՅԱՆ ԱՌԱՐԿԱՆ ԵՎ ՆՊԱՏԱԿՆԵՐԸ**

16. Հիմնադրամի գործունեության առարկան Մասիս համայնքում տեղեկատվական տեխնոլոգիաների զարգացման ապահովում է:

17. Հիմնադրամի նպատակներն են՝

- 1) տեղեկատվական տեխնոլոգիաների զարգացում համայնքներում
- 2) ոռոտաշինության, դրունաշինության զարգացում,
- 3) հետազոտությունը և ուսումը իրանող, գրավիչ, ապահով և անվտանգ, բազմաֆունկցիոնալ ֆիզիկական և ժամանակակից թվային տեխնոլոգիաներով հազեցած համագործակցային միջավայրի ստեղծումը՝ հաշվի առնելով տեղեկատվական տեխնոլոգիաների ոլորտների արդի և զարգացող մեթոդաբանությունը, անվտանգության և համընդհանուր մատչելիության շահանիշները.
- 4) համայնքներում կրթության զարգացում տեղեկատվական տեխնոլոգիաների ոլորտում
- 5) Երիտասարդների շրջանում սեմինարների կազմակերպում:
- 6) Համայնքային երիտասարդների իրազեկության բարձրացում: Թվային տեխնոլոգիաների իրազեկում:
- 7) Համայնքներում փոփոխություններ մտցնելու նպատակով երիտասարդների մոտիվացիայի բարձրացում,
- 8) Երիտասարդների շրջանում փափուկ և կոշտ հմտությունների տրամադրում, զարգացում:
- 9) պետական մարմինների աշխատանքի բարեկարգման նպատակով գործընթացների թվայնացում:
- 10) տեղեկատվական տեխնոլոգիաների ոլորտում ձեռնարկատիրական գործունեության զարգացման նպաստում:
- 11) կանաչապատման թվայնացում, այլընտրանքային էներգիայի աղբյուրների զարգացման նպաստում:

## **4. ՀԻՄՆԱԴՐԱՄԻ ԳՈՒՅՔԸ**

18. Հիմնադրամը որպես սեփականություն կարող է ունենալ շարժական և անշարժ գույք, դրամական միջոցներ, բաժնետոմսեր, այլ արժեթղթեր ու Հայաստանի Հանրապետության օրենքով շարգելված այլ գույք:

19. Հիմնադրի կողմից հիմնադրամին սեփականության իրավունքով հանձնված գույքը հիմնադրամի սեփականությունն է:

20. Հիմնադրամը տիրապետում, օգտագործում ու տնօրինում է իրեն պատկանող և իր կողմից ձեռք բերված գույքը, այդ թվում՝ ֆինանսական միջոցները՝ սույն կանոնադրությամբ սահմանված նպատակներով:

21. Հիմնադրամի գույքի ձևավորման աղբյուրներ կարող են լինել՝
  - 1) հիմնադրի կամավոր ներդրումները.
  - 2) Հայաստանի Հանրապետության պետական բյուջեից դրամական մուտքերը.
  - 3) ֆիզիկական ու իրավաբանական անձանց նվիրատվությունները և նվիրաբերությունները, այդ թվում օտարերկրյա քաղաքացիների, իրավաբանական անձանց, միջազգային կազմակերպությունների նվիրատվություններն ու նվիրաբերությունները.
  - 4) հիմնադրամի և իր ստեղծած կամ իր նախնական ընկերությունների ձեռնարկատիրական գործունեությունից ստացված միջոցները.

5) դրամաշնորհները.

6) Հայաստանի Հանրապետության օրենքով չարգելված այլ աղբյուրներ:

22. Հիմնադրամի սեփականությունը չի կարող օգտագործվել ի շահ իր հիմնադրի, հիմնադրամի մարմինների անդամների, ինչպես նաև հիմնադրամի աշխատողների աշխատավարձի և հիմնադրամի մարմինների անդամների պարտականությունների կատարմամբ պայմանավորված, փոխառուցման ենթակա ծախսերի, ինչպես նաև այն դեպքերի, երբ հիմնադրամի մարմինների անդամները, ինչպես նաև հիմնադրամի աշխատողները սույն կանոնադրությամբ նախատեսված շահառուներ են:

## 5. ՀԻՄՆԱԴՐԱՄԻ ԻՐԱՎՈՒՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

23. Հիմնադրամը, իր կանոնադրական նպատակներին համապատասխան, իրավունք ունի՝

1) անարգել տարածելու տեղեկություններ իր գործունեության նախն.

2) հիմնադրելու մամուլի և զանգվածային լրատվության այլ միջոցներ.

3) պետական և տեղական ինքնակատակարման մարմիններից Հայաստանի Հանրապետության օրենքով սահմանված կարգով ստանալու տեղեկություններ, որոնք անհրաժեշտ են իր կանոնադրական նպատակներն իրականացնելու համար.

4) ստեղծելու առանձնացված ստորաբաժանումներ (մասնաճյուղեր, ներկայացուցչություններ) և հիմնարկներ.

5) ստեղծելու տնտեսական ընկերություններ կամ լինելու նրանց մասնակիցը.

6) իրականացնելու Հայաստանի Հանրապետության օրենքով չարգելված այլ գործունեություն:

24. Հիմնադրամը ձեռնարկատիրական գործունեությամբ կարող է գրադարձ միայն այն դեպքում, եթե դա ծառայում է այն նպատակների իրականացմանը, որոնց համար ստեղծվել է հիմնադրամը և համապատասխանում է այդ նպատակներին:

25. Հիմնադրամը կարող է անձամբ գրադարձ ձեռնարկատիրական գործունեության հետևյալ տեսակներով՝

1) համակարգչային դասընթացների, այլ կրթություն, չներառված ուրիշ խմբավորումներում, յեզուների դասընթացների, ներ մասնագիտական գիտելիքների ձեռք բերման այլ դասընթացների, բարձրագույն և այլ ուսումնական հաստատություններ ընդունվելու համար նախապատրաստական դասընթացների, սեմինարների, շնորհանդեսների, ցուցահանդեսների կազմակերպում.

2) կրթական ծրագրերի իրականացում.

3) կառավարման հարցերով ծառայությունների մատուցում.

4) հանրային սննդի, հանգստի, կենցաղի կազմակերպում ու սպասարկում:

26. Իր առջև դրված նպատակների արդյունավետ կատարումն ապահովելու նպատակով հիմնադրամը՝

1) ներգրավում է միջոցներ՝ իր կանոնադրական նպատակների իրականացման համար.

2) համագործակցում է Հայաստանի Հանրապետության պետական կառավարման և տեղական ինքնակատակարման մարմինների, Հայաստանի Հանրապետության և օտարերկրյա հասարակական կազմակերպությունների, միջազգային տնտեսական ու ֆինանսական կառույցների, գործակալությունների և հիմնադրամների հետ:

27. Հիմնադրամը պարտավոր է՝

1) գործել Հայաստանի Հանրապետության Սահմանադրությանը, Օրենքի և այլ օրենքների և իրավական ակտերին, ինչպես նաև սույն կանոնադրությանը համապատասխան.

2) յուրաքանչյուր տարի Օրենքով սահմանված կարգով և ժամկետներում հրապարակել՝

ա. հաշվետվություն իր գործունեության մասին, որը պետք է պարունակի տեղեկություններ իրականացված ծրագրերի, ֆինանսավորման առյութների, ֆինանսական տարում օգտագործված դրամական միջոցների ընդհանուր չափի և դրամում կանոնադրական նպատակների հրամանացման ուղղված ծախսերի չափի, հիմնադրի, հոգարածուների խորհրդի անդամների, իրականացման ուղղված ծախսերի չափի, հիմնադրի, հոգարածուների խորհրդի անդամների, տնօրենի անուններին ու ազգանունները, եթե նրանք օգտվել են հիմնադրամի միջոցներից և

ծառայություններից հաշվետու տարվա ընթացքում, ինչպես նաև հիմնադրամի աշխատակազմում ընդգրկված անձանց քանակը,

բ. հաշվապահական հաշվառումը կարգավորող օրենսդրության համաձայն պատրաստված ֆինանսական հաշվետվություններն ու ֆինանսական հաշվետվությունների վերաբերյալ առողջին իրականացնող անձի (առողջինորի) եզրակացությունը, եթե հաշվետու տարվա վերջի դրությամբ հիմնադրամի ակտիվների հաշվեկշռային արժեքը գերազանցում է 10 միլիոն Հայաստանի Հանրապետության դրամը.

3) Օրենքով սահմանված կարգով վարել գործավարություն և հաշվապահական հաշվառում.

4) Հայաստանի Հանրապետության օրենքով նախատեսված դեպքերում և կարգով տեղեկատվություն ու հաշվետվություններ ներկայացնել պետական մարմիններ.

5) իրականացնել Օրենքով և այլ օրենքներով սահմանված այլ պարտականություններ:

## 6. ՀԻՄՆԱԴՐԱՄԻ ՄԱՐՄԻՆՆԵՐԸ ԵՎ ՆՐԱՆՑ ԻՐԱՎԱՍՈՒԹՅՈՒՆԸ

28. Հիմնադրամի մարմիններն են՝

1) հիմնադրամի կառավարման բարձրագույն և հսկողություն իրականացնող մարմինը՝ հիմնադրամի հոգաբարձուների խորհուրդը (այսուհետ՝ խորհուրդ).

2) հիմնադրամի ընթացիկ գործունեությունը դեկավարող կառավարիչը՝ հիմնադրամի տնօրինը:

29. Խորհուրդը բաղկացած է 5 անդամից: Ի պաշտոն խորհրդի անդամ և նախագահ է Մասիս համայնքի դեկավարը: Խորհրդի մյուս անդամներ կարող են լինել Մասիս համայնքի բնակիչներ, տեղեկատվական տեխնոլոգիաների ոլորտում հաջողություններ գրանցած անձիք և կազմակերպությունների ներկայացուցիչներ: Խորհրդի անդամ նշանակում և առաջադրում է հիմնադիրը՝ Մասիս համայնքի դեկավարը:

30. Խորհրդի անդամների լիազորությունների ժամկետը չի սահմանափակվում:

31. Խորհրդի առաջին կազմի անդամների լիազորությունների սկիզբը կարգավորվում է Օրենքի 23-րդ հոդվածի 1-ին մասի 2-րդ պարբերության պահանջի համաձայն:

32. Խորհրդի անդամի լիազորությունը դադարում է՝

1) խորհրդի նախագահին տրված գրավոր դիմումի հիմնան վրա.

2) նրա կողմից իր պարտականությունները պատշաճ չկատարելու դեպքում խորհրդի մնացած անդամների ձայնների առնվազն երեք քառորդով.

3) լիազորությունների ժամկետի ավարտման դեպքում.

4) եթե դադարել են խորհրդի անդամների ընդհանուր թվի կեսի կամ կեսից ավելի լիազորությունները.

5) դատարանի՝ օրինական ուժի մեջ մտած վճռով անգործունակ ճանաչվելու դեպքում.

6) նրա մահվան դեպքում.

7) եթե նա նշանակվել է ի պաշտոն՝ նրա գրադեցրած պաշտոնին այլ անձ նշանակելու կամ նրա գրադեցրած պաշտոնի վերացման դեպքում:

33. Խորհրդի անդամի լիազորությունը դադարելու դեպքում նրա փոխարեն նոր անդամ նշանակվում է նախկին անդամի նշանակման կարգով՝ ոչ ուշ, քան խորհրդի անդամի թափուր տեղ առաջանալու մասին տնօրինի ծանուցումն ստանալու օրվանից հետո 30 օրվա ընթացքում: Հիմնադրամի տնօրինը խորհրդի անդամի թափուր տեղ առաջանալու մասին տեղեկացված լինելու օրվանից ոչ ուշ, քան 10 օրվա ընթացքում դրա մասին տեղեկացնում է հիմնադրին, խորհրդի անդամներին նշանակած անձանց կամ մարմիններին, հիմնադրամի մարմիններին:

34. Խորհրդի իրավասությանն են պատկանում՝

1) հիմնադրամի ռազմավարական և տարեկան ծրագրերի հաստատումը.

2) հիմնադրամի բյուջեի և դրա փոփոխությունների, տարեկան ֆինանսական հաշվետվությունների ու հիմնադրամի գործունեության մասին տարեկան հաշվետվությունների հաստատումը.

3) հայտարարվող և անցկացվող մրցույթների մասին կանոնակարգի մշակումն ու հաստատումը.

4) հիմնադրամի գույքի տնօրինման կարգի հաստատումը.

- 5) հիմնադրամի լուծարման հարցով դատարան դիմելու մասին որոշման ընդունումը.
- 6) հիմնադրամի լուծարման հանձնաժողովի (լուծարողի) նշանակումը, լուծարման կարգի ու ժամկետների սահմանումը, լուծարման միջանկյալ հաշվեկշռի հաստատումը, լուծարման հաշվեկշռի հաստատումը.
- 7) հիմնադրամի տնօրենի և սույն կանոնադրությամբ սահմանված այլ մարմինների ընտրության ու նրանց լիազորությունների վաղաժամկետ դադարեցման մասին որոշումների ընդունումը.
- 8) սույն կանոնադրությամբ նախատեսված հիմնադրամի այլ մարմինների ձևավորումը.
- 9) տնտեսական ընկերությունների ստեղծման կամ դրանցում մասնակցության, ինչպես նաև առանձնացված ստորաբաժանումների և հիմնարկների ստեղծման ու դրանց կանոնադրությունների հաստատման մասին որոշումների ընդունումը.
- 10) հիմնադրամի ֆինանսատնտեսական գործունեության վերահսկումը.
- 11) տարեկան մեկ անգամ տնօրենի հաշվետվությունները լսելը.
- 12) իր որոշումների կատարման ընթացքի վերահսկումը.
- 13) հիմնադրամի առողջիւ իրականացնող անձի (առողջտորի) ընտրությունը.
- 14) հիմնադրամի կառուցվածքի հաստատումը.
- 15) հիմնադրամի հաստիքացուցակի հաստատումը.
- 16) հիմնադրամի գործարքների կնքման կարգի հաստատումը.
- 17) Օրենքով, սույն կանոնադրությամբ նախատեսված, ինչպես նաև հիմնադրամի այլ մարմիններին չվերապահված այլ լիազորությունների իրականացումը:
35. Խորհրդի նախագահը՝
- 1) կազմակերպում է խորհրդի աշխատանքները, կարող է կազմավորել խորհրդի ժամանակավոր հանձնախմբեր.
  - 2) գումարում է խորհրդի նիստերը և նախագահում դրանք.
  - 3) կազմակերպում է խորհրդի նիստերի արձանագրության վարումը.
  - 4) տնօրենի հետ կնքում է աշխատանքային պայմանագիր.
  - 5) Օրենքով նախատեսված դեպքերում խորհրդի քննարկմանն է ներկայացնում խորհրդի անդամների լիազորությունների դադարեցման մասին որոշման նախագիծ:
- Խորհրդի նախագահի բացակայության դեպքում նրա պարտականությունները, խորհրդի որոշմամբ, կատարում է խորհրդի անդամներից մեկը:
36. Խորհրդի անդամներն իրավունք ունեն՝
- 1) առաջարկություններ ներկայացնելու խորհրդի օրակարգի և քննարկվող հարցերի վերաբերյալ.
  - 2) նախապատրաստելու և խորհրդի քննարկմանը ներկայացնելու հարցեր, առաջարկություններ և որոշումների նախագծեր.
  - 3) ստանալու տեղեկություններ հիմնադրամի գործունեությանը վերաբերող ցանկացած հարցի վերաբերյալ:
37. Խորհրդի անդամները պարտավոր են՝
- 1) մասնակցել խորհրդի նիստերին.
  - 2) իրենց պարտականությունների կատարման ընթացքում գործել՝ ելնելով հիմնադրամի շահերից:
38. Հիմնադրամի տնօրենի իրավասությանն են պատկանում հիմնադրամի ընթացիկ գործունեության դեկավարման բոլոր հարցերը՝ բացառությամբ Օրենքով և սույն կանոնադրությամբ խորհրդի իրավասությանը վերաբերող հարցերի: Հիմնադրամի տնօրենի իրավունքներն ու պարտականությունները սահմանվում են Օրենքով, սույն կանոնադրությամբ և տնօրենի հետ կնքված պայմանագրով: Հիմնադրամի անունից տնօրենի աշխատանքային պայմանագիրն ստորագրում է խորհրդի նախագահը կամ խորհրդի լիազորված այլ անձ:
39. Հիմնադրամի տնօրենը՝
- 1) կազմակերպում է խորհրդի որոշումների կատարումը.
  - 2) տնօրինում է հիմնադրամի գույքը, այդ թվում՝ ֆինանսական միջոցները, գործարքները և կնքում հիմնադրամի անունից:

3) ներկայացնում է հիմնադրամը Հայաստանի Հանրապետությունում և օտարերկրյա պետություններում.

4) գործում է առանց լիազորագրի.

5) տախս է լիազորագրեր.

6) սահմանված կարգով կնքում է պայմանագրեր, այդ թվում՝ աշխատանքային.

7) բանկերում բացում է հիմնադրամի հաշվարկային (այդ թվում՝ արտարժութային) և այլ հաշվներ.

8) խորհրդի հաստատմանն է ներկայացնում հիմնադրամի աշխատանքային ներքին կանոնակարգը, առանձնացված ստորաբաժանումների, հիմնարկների և հիմնադրամի կողմից հիմնադրվող տնտեսական ընկերությունների կանոնադրությունները, հիմնադրամի վարչակազմակերպական կառուցվածքը, հաստիքացուցակը.

9) իր իրավասության սահմաններում արձակում է հրամաններ, իրահանգներ, տախս պարտադիր կատարման համար ցուցումներ և վերահսկում դրանց կատարումը.

10) սահմանված կարգով աշխատանքի է ընդունում և աշխատանքից ազատում հիմնադրամի աշխատողներին.

11) հիմնադրամի աշխատողների նկատմամբ կիրառում է իրախուսման և կարգապահական պատասխանատվության միջոցներ.

12) հաշվետու է խորհրդին.

13) հիմնադրամի գործարքների կնքման կարգի համաձայն ընդունում է որոշում հիմնադրամի անվամբ ուղղակիորեն կամ անուղղակիորեն գույք ձեռք բերելու կամ վերջինիս գույքն օտարելու կամ օտարելու հնարավորության հետ կապված գործարքներ կատարելու մասին.

14) խորհրդի նիստին մասնակցող անդամների ձայների մեծամասնությամբ ընդունված որոշման հիմքով կարող է կատարել հիմնադրամի տարեկան բյուջեով ամրագրված միջոցների վերաբաշխում մինչև 10 տոկոսի չափով:

40. Հիմնադրամի տնօրենն այլ կազմակերպություններում կարող է գրադարձնել վճարովի պաշտոններ՝ միայն խորհրդի համաձայնությամբ:

## 7. ՀԻՄՆԱԴՐԱՄԻ ՄԱՐՄԻՆԵՐԻ ԿՈՂՄԻՑ ՈՐՈՇՈՒՄՆԵՐԻ ԸՆԴՈՒՆՄԱՆ ԿԱՐԳ

41. Խորհուրդն իր գործունեությունն իրականացնում է տարեկան երկու անգամ գումարվող հերթական նիստերի միջոցով: Խորհրդի արտահերթ նիստ գումարում է խորհրդի նախագահը՝ իր նախաձեռնությամբ կամ խորհրդի անդամների մեկ երրորդի պահանջով, նախաձեռնողի սահմանած օրակարգով: Տնօրենը երեք աշխատանքային օրվա ընթացքում խորհրդի արտահերթ նիստի օրակարգի և ժամկետի մասին գրավոր տեղեկացնում է խորհրդի անդամներին:

42. Խորհրդի նիստն իրավագոր է, եթե դրան մասնակցում է խորհրդի անդամների կեսից ավելին: Զվերակության ժամանակ խորհրդի յուրաքանչյուր անդամ ունի մեկ ձայնի իրավունք: Խորհրդի որոշումներն ընդունվում են Օրենքով սահմանված կարգով:

43. Եթե խորհրդի նիստում քննարկվում է հիմնադրամի խորհրդի որևէ անդամի կամ նրա հետ փոխկապակցված անձի (ծնող, ամուսին, զավակ, եղբայր, քույր, ամուսնու ծնող, զավակ, եղբայր և քույրային կամ այլ շահերի վերաբերյալ հարց, ապա խորհրդի տվյալ անդամը քվեարկությանը չի մասնակցում):

44. Խորհրդի անդամները կարող են խորհրդի նիստերին մասնակցել նաև ուղիղ հեռակապի միջոցով:

45. Խորհրդի նիստերը կարող են անցկացվել էլեկտրոնային փոստի կամ կապի այլ միջոցների կիրառմամբ, ինչպես նաև հարցման կարգով:

46. Խորհրդի նիստերին պարտադիր մասնակցում է հիմնադրամի տնօրենը՝ խորհրդակցական ձայնի հրավունքով:

47. Հիմնադրամի տնօրենը որոշումներն ընդունում է ինքնուրույն՝ ելեկոն խորհրդի որոշումներից և հիմնադրամի շահերից:

48. Խորհրդի նիստերին խորհրդակցական ձայնի իրավունքով կարող են մասնակցել հրավիրված անձինք:

49. Հիմնադրամի մարմինների նիստերն արձանագրվում են: Արձանագրությունը ստորագրում են հիմնադրամի մարմնի նախագահը և տվյալ նիստի քարտուղարը: Հիմնադրամի մարմնի նախագահը պատասխանատվություն է կրում նիստի արձանագրությունում առկա տեղեկությունների հավաստիության համար:

## 8. ՀԻՄՆԱԴՐԱՄԻ ՎԵՐԱԿԱՇԽԱԿԵՐՊՈՒՄԸ ԵՎ ԼՈՒԺԱՐՈՒՄԸ

50. Հիմնադրամի վերակազմակերպումը կատարվում է հիմնադրի որոշմամբ:

51. Հիմնադրամը լուծարելու մասին որոշում կարող է ընդունել միայն դատարանը՝ շահագրգիռ անձանց դիմումի հիման վրա:

52. Հիմնադրամը կարող է լուծարվել, եթե՝

1) հիմնադրամի գույքը բավարար չէ նրա գործունեության իրականացման համար, և անհրաժեշտ գույք ստանալու հնարավորությունն իրական չէ.

2) հիմնադրամն իր գործունեությամբ շեղվել է կանոնադրությամբ նախատեսված նպատակներից.

3) հնարավոր չէ հասնել հիմնադրամի նպատակներին և կատարել այդ նպատակների փոփոխություններ.

4) հիմնադրամի գործունեությունը վտանգում է պետական և հասարակական անվտանգությունը, հասարակական կարգը, հանրության առողջությունն ու բարքերը, այլոց իրավունքներն ու ազատությունները.

5) հիմնադրամը թույլ է տվել Հայաստանի Հանրապետության օրենքի բազմակի կամ կոպիտ խախտումներ կամ պարբերաբար իրականացրել է իր կանոնադրական նպատակներին հսկասող գործունեություն.

6) հիմնադրամը ստեղծելիս հիմնադիրը թույլ է տվել Հայաստանի Հանրապետության օրենքի եական խախտումներ կամ կեղծիքներ.

7) Հայաստանի Հանրապետության օրենքով նախատեսված այլ դեպքերում:

53. Հիմնադրամը լուծարվում է Օրենքով սահմանված կարգով:

54. Հիմնադրամի լուծարման դեպքում պարտատերերի պահանջները բավարարելուց հետո, ինչպես նաև այն դեպքում, երբ լուծարման միջանկյալ հաշվեկշիռը հաստատելու պահին հիմնադրամը չունի պարտավորություններ պարտատերերի նկատմամբ, գույքն ուղղվում է սույն կանոնադրությամբ նախատեսված նպատակներին, դրա անհնարինության դեպքում դրամական միջոցները փոխանցվում են պետական բյուջե, իսկ այլ գույքը սեփականության իրավունքով փոխանցվում է Հայաստանի Հանրապետությանը՝ ի դեմս Հայաստանի Հանրապետության կառավարության, բացառությամբ օրենքով սահմանված դեպքերի:

55. Հիմնադրամի լուծարումը համարվում է ավարտված, իսկ նրա գոյությունը դադարած՝ պետական գրանցման պահից: